



Sancti Gregorii Papæ Primi Cognomento Magni Opera

In Tres Tomos Distributa. Ex quamplurimis MSS. Codicibus emendata ;
Additæ Sunt Quædam Notæ in Dialogos & Epistolas ejusdem S. Gregorii

Gregor <I., Papst>

Lutetia Parisiorum, 1675

Homilia XXII. Et extra interiorem gazophylacia cantorum in atrio interiori,
quod erat in latere portæ respicientis ad Aquilonem: & facies eorum
contra viam Australem unam, ex latere portæ Orientalis ...

[urn:nbn:de:hbz:466:1-74915](#)

quād̄ eos graviū cecidisse considerat: videlicet A sciens quād̄ ipse tantō mercedem magnā remuneratiōis accipiat, quād̄ verbis suis alios de profundiōibus peccatis levat. Libet inter hac sancti Evangelij ad medium verba deducere, cuius sacra historiā per hoc quād̄ factū miraculum narrat, mīra quād̄ quotidie aguntur denunciat. Nam cūm fessi atque jejuni ad Dominum populi conveniēscent, discipulis

Marc. 8. 4 Dominus dixit: Misericordia super turbam: quia ecce jam triduo sustinent me, nec habent quid manducant: & si dimisero eos jejunos in domos suas, deficit in via: quidam enim ex eis de longe venerunt. Turba triduo Dominum sustinet, quando multitudo fidelium peccata quād̄ perpetravit, per pénitentiam declinans, ad Deum se in opere, locutione, atque in cogitatione convertit. Quos dimittere jejunos in domum suam Dominus non vult, ne deficit in via: quia videlicet conversi peccatores in praestantiā vita via deficit, si in sua conscientia sine doctrinā sancte pabulo dimittantur. Ne ergo laſtent in hujus peregrinationis itinere, pascendi sunt sancta admonitione.

Valde autem pensanda est pia sententia, que procel sit ex ore Veritatis, qui dicitur: Quidam enim ex eis de longe venerunt. Est autem qui nihil fraudis & nihil carnalis corruptionis expertus, ad omnipotentis Dei servitium festinavit. Iste de longinquō non venit: quia per incorruptionem & innocentiam proximus fuit. Alius nullā impudicitā, nullis flagitiis inquinatur, solum autem conjugium expertus, ad ministerium spirituale conversus est. Neque iste venit de longinquō: quia usus conjunctione concessa, per illicitā non erravit. Alij verò post carnis flagitia, alijs post falsa testimonia, alijs post facta fura, alijs post illatas violentias, alijs post perpetratā homicidia ad pénitentiam redeunt, atque ad omnipotentis Dei servitium converuntur: hi videlicet ad Dominum de longinquō veniunt. Quād̄ etenim quisque plus in pravo opere erravit, tantō ab omnipotente Domino longius recessit. Nam & prodigus filius, qui patrem deseruit, abiit in regionem longinquam, in qua porcos pavit, quia vita nutritiv. Dentur igitur alimenta eis etiam quād̄ de longinquō veniunt: quia conversi peccatoribus doctrina sancta cibis præbendi sunt, ut in Deum vires reperant, quas in flagitiis amiserunt. Qui sepe à doctribus tantō necesse est ut largioribus cibis doctrina satientur, quād̄ fessi majoribus viciis venerunt. Et cūm jam confiteri coepint mala quād̄ commiserunt, atque confitendo relinquerū & fieri punire, necesse est ut doctores sancti pro eorum peccatis sollicitè exorent, quatenus mensē Domini carnes oblationis portent. Quod quoties agunt in hoc quād̄ pro alienis peccatis interveniunt, sua ante Dei oculos amplius detergunt: quia ea ipsa charitate se justificant, quia mira pietate pro alienis iniquitatibus se in lamentis maestant.

Nec laboriosum debet esse doctribus pro conversis peccatoribus lacrymas fundere, quando & ipse qui omnia creavit, homo factus, pro nostris iniquitatibus in cruce sanguinem fudit: Qui vivit & regnat cum Patre in unitate Spiritus sancti Deus in sēcula sēculorum, Amen.

HOMILIA XXII.

Ezech. c. 40. v. 44. Et extra portam interiorem gazophylacia cantorum in atrio interiori, quod erat in latere porta respicientis ad Aquilonem: & facies eorum contra viam Australē unam, ex latere porta Orientalis quād̄ respiciebat ad viam Aquilonis. Ex dixit ad me: Hoc gazophylacium, quod respiicit viam meridianam, sacerdotum est qui excubant in custodiis templi. Porro S. Greg. Tom. I.

gazophylacium, quod respiicit ad viam Aquilonis sacerdotum erit qui excubant ad ministerium altaris. Ipsi sunt filii Sadoch, qui accedunt de filiis Levi ad Dominiū, ut ministrent ei. Et mensus est atrium longitudine centum cubitorum, & latitudine centum cubitorum per quadrū: & altare ante faciem templi. Et introductus me in vestibulum templi, & mensus est vestibulum quinque cubitis hinc, & quinque cubitis inde: & latitudinem porta trium cubitorum hinc, & trium cubitorum inde: longitudinem autem vestibuli viginti cubitorum, & latitudinem undecim cubitorum. Et octo gradibus ascendebatur ad eam: & columnæ erant in frontibus, una hinc, & altera inde.

*S*icut eloquij mysticos sensus Propheta per aspirationem sancti Spiritus prudenter intelligens, dicit: Mirabilia testimonia tua, ideo sortitata est ea anima mea. Qui rursus ait: Revela oculos meos, & considerabo mirabilia de lege tua. Qui enim needum occulta de apertis intelligit, oculos velatos haber. Qui verò jam intelligit, revelatis oculis mirabilia de lege Dei considerat; quia spiritualiter litteræ verba discussiōes, quæ interius magnitudine lateat, pensat. An non est mirabile quando aliud auribus sonat, atque aliud exit ad intelligentiam quod non sonabat? Cui ergo verba sacri eloquij, nisi lapidi similia dixerim, in quo ignis latet? Qui manu quidem frigidus tenerur, sed percussus ferro, per scintillas micat, atque hoc emitit ignem, qui post ardeat, quod prius manus frigidū tenebat. Sic etenim, sic verba sunt sacri eloquij, quæ quidem per narrationem littera frigida tenentur: sed si quis hec, aspirante Domino, intento intellectu pulsaverit, de mysticis ejus sensibus ignem producit, ne in eis verbis post annus spiritualiter ardeat, quæ prius per litteram ipse quoque frigidus audiebat. Ecce enim Propheta dicit: [Et extra portam interiorem gazophylacia cantorum in atrio interiori, quod erat in latere porta respicientis ad Aquilonem: & facies eorum contra viam Australē unam, ex latere porta Orientalis quād̄ respiciebat ad viam Aquilonis.] In his ita-

D que verbis littera, ad amorem Dei cuius animus inferuerat, quin potius non ex ipsa eorum lectiōne tepefit? Si autem latens in littera spiritualis medulla discussit, per hoc scintillæ intellectus exēunt, & incendunt quod prius cordis auribus frigidum sonabat. Nobis tamen, ut se adipirante Domino interior intellectus aperiatur, ipsa prius narratio juxta litteram patefiet. Ait enim quia porta erat interior, atq; extra hanc atrium, quod appellatur interius: ac deinde alię, id est, Aquilonis, Austri, atque Orientis porta descriptiūntur, ut ipsum atrium quod esse extra portam interiorem dixerat, à portis exterioribus esse interius ostendat. Atrium ergo hoc & foris, & intus est: foris, quia extra portā interiorem; intus autem, quia intra portas exteriores. Gazophylacia quoque cantorum esse in hoc eodem atrio narrantur, quæ à latere portæ posita dicuntur respicientes ad Aquilonem. Sed ipsa eadem gazophylacia ad Australē viā respiciunt. Et subditur: [Ex latere porta Orientalis, quād̄ respiciebat ad viam Aquilonis.] In quibus verbis aperit intelligitur quia cantorum gazophylacia inter latu portæ respicientis ad Aquilonem, & latu portæ Orientalis fuerant posita: quæ portæ videlicet respiciebat ad viā Aquilonis. Facies itaq; gazophylaciōrum contra viam Australē, sed positus inter portam erat: Orientis & Aquilonis. Porta ergo interior habebat ex latere portam Aquilonis, ex alio quoque latere portam Australē. In fronte verò vestibuli Orientalis por-

P P p ij

ta surrexerat, atque sic atrium quod erat extra portam interiorum, ut hoc quoque esset interius, porta exterioris ambiebant. Haec de verbis litterarum sub brevitate transcurrimus, ut in eis sensus mysticos non breviter exquiramus. In parte autem superiori tres portae descriptae sunt, id est, Orientis, Aquilonis, & Austri: moxque interioris atrii tres alias narrare, id est, Austri, Orientis, & Aquilonis, ac deinde porta atrii interioris dicta est, in qua mensae de quadris lapidibus extructa memorantur: & porta qua respiciebat ad Aquilonem, in qua mensae essent ad sacrificium, non ad holocaustum. Unde in interiori diximus significari Ecclesiam, in exteriori synagogam. Sed his expletis, rursum Propheta incipit interiorum portam, atque tres alias, id est, Aquilonis, Austri, & Orientis describere, & in earum atrio interiori, quod erat extra portam interiorum, esse gazophylacia, cantores, sacerdotes, templum, altare, sacrificia perhibet. In quibus verbis quia de sancta Ecclesia institutione narrare alii ab eis quam prius dixerat, ceperit, patet quod interioris portae intellectum mutavit. Si enim sub uno intellectu omnia diceret, novo ordine ipsa atque alia non replicaret. Nam quo modo plurimis extra portam interiorum, atrium, gazophylacia, cantores, sacerdotes, templum, altare, sacrificia dicere, si per eandem portam interiorum hoc loco sancta Ecclesia designatur? Cum enim cuncta haec intra ipsam sint, quo modo extra portam interiorum sunt, si extra Ecclesiam non sunt? Intelligi ergo porta interior potest ea, de qua jam longe superioris locuti sumus, qua contra portam Aquilonis & Orientalem dicitur posita, per quam figurari diximus aditum, qui nobis ad interiora gaudia patriæ cœlestis aperitur: ut hic quoque per portas quæ circa vestibulum narrantur, sancta Ecclesia; per portam vero interiorem, cœlestis regni aditus figuratur. Sed ne quis me verba sancti Spiritus aestimeret ad intellectum meum violenter infletere, & dicat quia de porta interiori significationem sanctæ Ecclesie quam semel dixi, mutare non debui, insulgence Dei omnipotens gratia, quæ cœpimus ipsa teneamus; ut & porta interior signet Ecclesiam, quæ nos ad interiora gaudia perducit, & gazophylacia, cantores, sacerdotes, templum, altare, sacrificia sint in atrio quod est extra portam, & tamen extra Ecclesiam non sint. Si enim subtili investigatione perquisimus, nil obstat intelligi ut interiorum portam, sicut dictum est, sanctam Ecclesiam sentiamus. De qua nunc dicitur: [Et extra portam interiorum gazophylacia cantorum in atrio interiori.] Duo sunt etenim quæ dicuntur: porta interior, atque extra hanc atrium interius; quatenus hoc ipsum atrium & exterioris sit, & interius: à porta exteriori, interius autem, sicut prædictum, portis quas narrando subjunxit. Sancta enim Ecclesia duas vitas habet: unam quam temporaliter dicit, aliam quam in æternum recipit. Unam qua laborat in terra, aliam qua remuneratur in celo. Unam qua mercedes colligit, aliam vero in qua jam de receiptis mercedibus gaudet, atque in ultra vita offert sacrificium. Hic videlicet sacrificium compunctionis, & illuc sacrificium laudis. De hoc sacrificio dicitur: *Sacrificium Deo spiritus contributus.* De illo autem scriptum est: *Tunc acceptabis sacrificium justitia, oblationes, & holocausta.* De quo rursus ait: *Vi cantet tibi gloria mea, & non compungar.* In utroque autem sacrificio carnes offeruntur: quia hic oblatio carnis est maceratio corporis, ibi oblatio carnis est in laude Dei gloria resurrectionis. Tunc quippe illuc quasi in holocaustum offeretur caro, quando in æterna incorruptione permutata, nil contradictionis, nil mortalitatis habuerit: quia tota simul amoris ejus ignibus accensa, in laude sine fine permanebit. Porta ergo haec interior, id est, in sancta Ecclesia habeat interiora sua, illam

A videlicet vitam, quæ adhuc oculis nostris occulta est. Habeat extra eam atrium exterius, id est, vitam presentem, in qua omne bonum agitur, ut ad bonum sine fine perveniat. Sint ergo in interiori atrio, quod tamen extra portam est, gazophylacia cantorum: quia electi quique atque perfecti, qui adhuc in carne mortali subsistunt, & intra finum sunt sanctæ Ecclesiae, & adhuc extra secreta gaudia interioris vitæ. Sint gazophylacia cantorum interiorius & exteriorius: quia corda sanctorum qui omnipotens Deo desiderium suum per magni ardoris amorem cantant, & jam intus sunt, & adhuc intus non sunt: quia in sancta Ecclesia finu posita, & jam vident per spiritum quod intus fortiter ament, & tamen adhuc non vident perfectè quod amant. Sint itaque in interiori atrio gazophylacia, sed extra portam, ut jam & intus sint per desiderium, & adhuc intus non sint per plenarium effectum. Quid sunt autem gazophylacia cantorum, nisi sancta desideria amantium? Qui præcepta divina quasi quædam divitias custodiunt in mente; quas cantando servant, quia mandata Dei non ex timore, sed ex amore perficiunt: eisque ipsis sacri eloquij præceptio-nes cantabiles sunt, quia non ex tristitia, sed ex desiderio semper operantur. Vultis cor justi quasi cuiusdam cantoris gazophylacium audire? *Cantabiles* *psal. 118.c* *mibi erant iustificationes tua in loco incolatus m.i.* Justificationes Dei dicimus præcepta divina, quæ nos justos faciunt, si implentur. Quæ tunc nobis in loco incolatus nostri cantabiles sunt, quando in hac peregrinatione vita præsentis ipsa eadem mandara diligimus, & ex desiderio implemus. Hinc est quod idem Psalmista iterum ex cantorum gazophylaciis insinuat, qui ait: *Misericordiam & iudicium canabo tibi Domine.* Misericordiam Domini qua peccata laxantur, cantare etiam peccator debet, id est, hanc cum gaudio dicere atque sperare. Sed quis ita justus est, ut ejus sibi æternum iudicium antem oculos revocet, & non contremiscat: an potius venire ad illud examen tanti judicis præsumat, festinet, & gaudeat? Quisquis ille est, magis est: quia jam misericordiam Domini & iudicium cantando, omnipotentem Deum qui ejus peccata misericorditer relaxat, toto mentis affectu diligit, ac propterea ejus iudicium non pertimescit. *Charitas 1. Ioan. 4.b* namque perfecta, ut Joannes Apostolus ait, foras mittit timorem. Cintat quippe iudicium, ad quod intrare non trepidat. Sit ergo mens illius gazophylacium cantorum, ut per divitias misericordia quas accipit, latet pergit ad iudicium, quod jam non pertimescit. Videamus si placet, fratres charissimi, aliud quoque gazophylacium cantoris. Foritan & ipse iudicium cantat. Quid etenim dicit? *Ego enim 1. Tim. 4.e* *jam delibor, & tempus mea resolutionis inflat.* Bonum certamen ceravi, cursum consummavi, fidem servavi: de reliquo reposita est mihi corona iustitiae, quam reddet mihi Dominus in illa die iudicis. Qui laborum suorum conscius, memor certaminis quod egit, memor fidei quam servavit, esse sibi in iudicio repositam coronam dicit, eamque sibi in illa die reddi sperat potius quam donari; profectò patet quia iudicium cantat, quod venire desiderat. Unde etiam subdit: *Non solum autem mihi, sed & his qui ibid. diligunt adventum ejus.* Nemo enim adventum iudicis diligit, nisi qui se habere caufam in iudicio bonam novit. Eorum ergo corda qui adventum iudicis diligunt, gazophylacia cantorum sunt: quia per præsumptionem gratia & vita, per virtutes sancti desiderij cantant justi iudicium, quod omnes in iusti pertimescant. Meminit autem charitas ve *suprà Hom.* stra, quia superiori locutione per portam Orientis *21.* fidem, per Aquilonis spem, per Austri autem charitem diximus designari. Haec itaque gazophylacia inter portam Orientis & Aquilonis esse memorantur, atque ad viam Australiem respicere: quia corda

sanctorum inter fidem & spem posita, Australem viam respiciunt, quoniam sancte charitatis ignibus exardescunt. Ipsa quoque Orientalis porta respicere dicitur ad viam Aquilonis: quia nobis per fidem quidem omnia in Baptismate peccata laxantur, sed tamen dum adhuc hic vivimus, etiam post fidem sepius ad peccata declinamus. Et quasi Orientis portam viam Aquilonis respicit, cum vita nostra post perceptam fidem, adhuc aliquatenus in frigore culpe torpescit. Quis enim in hac vita valeat post fidem sine culpavivere, cum Joannes dicat: Si dixerimus quia peccatum non habemus, ipsi nos seducimus, & veritas in nobis non est? Cuius verbis Jacobus concordans, ait: In multis enim offendimus omnes. Si autem peccata præterita in fidei perceptione dimissa sunt, & adhuc post fidem ad peccata declinatur; que nobis erit præsumptio iustitiae, que spes vitæ permanentis; nisi ut dum adhuc inter portam Orientis & Aquilonis sumus, ad viam Austri mentis oculos levemus, quatenus ex sancta charitate ferventes, calor nos amoris liberet à culpa temporis & frigoris? Sint ergo gazophylacia inter portam Orientis & Aquilonis, sed sicut dictum est, ad Australem viam facies intendant: ut inter hoc quod natu in fide sumus, & quod post ad peccata delapsi, de spes pietatis præsumimus, exerceamus nosmetipos in ardore charitatis, & ibi tendamus oculos cordis, ubi accendimur ignibus amoris. Potest autem per Aquilonis portam Gentilium, per Austri viam Iudeæ, per Orientis autem portam ipse Dominus designari. Per Aquilonem quippe non immerit Gentilitas figuratur, quam illi in temporis frigore possidet qui dixit: Sedebo in monte Testamendi, in lateribus Aquilonis. Per Australem quoque portam rectè Iudeæ accipitur, in qua spiritales patres celesti amore feruerunt. Quorum unus loquitur, dicens: Converte Domine caputatem nostram, sicut torrens in Austro. Quæ est carnalem populum habuit in quo velut Aquilonis frigora portavit, in sanctis tamen suis doctoribus ac prophetis ad Deum ac proximum calore charitatis arsit. Orientalis autem porta non immerit ipsum signat, de quo scripsit: Ecce vir, Orients nomen ejus. Et de quo Zacharias ait: Visitavit nos Orients ex alto. Sint ergo gazophylacia cantorum ex latere porta Aquilonis: quia non solum in Iudea fuerunt corda sanctorum spiritualiter accensa, sed etiam in Gentilitatis multitudine ad sanctæ fidei sacramenta conversa, ardent corda sanctorum amore celestis patriæ, inhiant gaudiis aeternis, suspirant ad societatem suorum civium in celo; sed tamen exempla hujus ardoris, quem dono sancti Spiritus accepertum, à spiritualibus patribus synagoge capiunt. Unde ipsa quoque gazophylacia & in Aquilonis latere posita, oculos ad viam Australem tendunt. Ecce enim ex Gentibus venimus: sed in hoc quod per sancti Spiritus amorem calemus, Iudeæ patres apicimus, qui nobis in suis dictis quotidie sancti desiderij exempla præbent. An non quasi calore meridiani fervoris ardebat, qui æstuabat, dicens: Sicut cervus desiderat ad fontes aquarum, ita desiderat anima mea ad te Deus. Sicut anima mea ad Deum vivum: quando veniam & apparebo ante faciem Dei? Qui rufus ait: Psallam & intelligam in via immaculata, quando venies ad me. Hoc quoque ardore succensus fuerat qui dicebat: Nunc dimittis Domine servum tuum secundum verbum tuum in pace: quia viderant oculi mei salutare tuum. Quia ergo ex Gentilitate venimus, sed sanctos Iudeæ patres nobis in divini amoris imitatione propomimus, quasi quedam cantorum gazophylacia ex latere portæ que viam Aquilonis respicit, sumus; sed ad viam Austri facies tenemus. Et notandum, quod hæc eadem gazophylacia inter portam Aquilonis & Orientis esse perhibentur: quia videlicet

pōst incarnationem Dominicam, multitudo Gentium ad fidem venit, atque inter ipsos fideles populos & sacramenta Dominicæ incarnations quæ medullitus diligunt, corda amantium surgunt. Habeant ergo sancti gazophylacia, hinc Orientis portam, & inde Aquilonis: quia inter ipsa redemptoris sue mysteria quæ sequuntur, & carnales quodam quos & intra sanctam Ecclesiam tolerant, multi in Deum forti amore proficiunt, virtutibus excedunt, aeterni judicis adventum querunt; & inter ea que amant, atque illa que tolerant, quasi quedam gazophylacia, divitias spiritus in mente servant. Nec inter sacramenta quæ diligunt, & * ^{* al. quædā contraria quæ portant} quæ jam contraria portant, deficiunt: quia ad Australiem viam facies intendunt. Quid enim patimur quod patres nostri pro amore Domini antea non pertulerunt? Notandum vero, quod inter portam Austri & Aquilonis, Orientalis porta esse describitur: quia Dominus ac Redemptor noster de Iudea est natus, moxque in fide sua Ecclesiam ex Gentibus traxit. Quasi enim inter meridianam portam & Aquilonis apparuit; quia ex illa venit; & istam in suum servitium convertit. Unde & bene dicitur, quod porta eadem Orientalis ad viam respicit Aquilonis: quia natus Dominus synagogam deseruit, & multitudinem Gentium collegit. Notandum quoque est, quod dum de gazophylaciis diceretur: [Et facies eorum ad viam Australem.] additum est, unam: ut videlicet aperte sentiamus, quia non alia est via ad cælestem patriam nobis qui ex Gentilitate venimus, atque alii illis patribus qui fuerunt in Iudea: sed hæc eadem una via est nobis & illis, quæ nos ad æternæ gaudia perducit, quæ nobis per Evangelium dicit: Ego sum via, veritas, & vita. De qua Psalmista ait: Vi cognoscamus in terra viam tuam, in omnibus gentibus saltuare tuum. Quod enim Hebreæ Jesus, hoc Latinè dicit salutaris. In terra ergo via cognoscitur, quia Jesus, Deus ante secula, & homo factus in fine sæculorum, Gentibus est manifestatus. Una ergo est via & illis qui ab Austro sunt, & his qui ab Aquilonis * porta respicunt: quia electis Iudeis & ^{* al. parte} Gentibus Dominus ac redemptor noster expulsâ pœnâ formidinis, ad Patrem factus est iter amoris, atque adjutorium perventionis. Sequitur: [Et dixit ad me: Hoc gazophylacium quod respicit viam meridianam. Sacerdotum est qui excubant in custodiis templi.] Atque mox subditur: [Porro gazophylacium, quod respicit ad viam Aquilonis, sacerdotum erit qui excubant ad ministerium altaris.] In quibus Prophete verbis prius nobis querendum est, qui sint majoris ordinis sacerdotes, utrum hi qui in custodiis excubant templi, an qui in ministerio altaris. Sed quis paulò pōst subditur: [Altare erat ante faciem templi;] aperte ostenditur illos esse majoris ordinis sacerdotes, qui in custodiis templi excubant, quia profecti in altari quod est interior, ministrant. Hi autem qui ad altare quod ante faciem templi est, excubant, tantò inferiores sunt, quanto in exterioribus ministrant. Quærendum ergo nobis est, qui sacerdotes sint qui templum custodiunt, & qui ad ministerium altaris excubare perhibentur. Magister Gentium fidelibus scribens, ait: Templum Dei sanctum est, quod estis vos. Qui itaque sacerdotes sunt qui templum Dei custodiunt, nisi hi qui orando, predicando, spiritualibus actibus vigilando, sanctam Ecclesiam à malignorum spirituum immissionibus, à pravorum suasionibus, ab hereticorum erroribus defendunt? An non custos templi fuerat qui labores sue passionis enumerans, dicit: In labore & oratione, in vigiliis multis, in fame & siti, in jejuniis multis, in frigore & nuditate? Atque statim subdit: Prater illa que extinsecus sunt, instauria mea quotidiana, sollicitudo omnium Ecclesiarum. Penlate quoque, custos tem-

P P P iij

2. Cor. 12. f

ibidem.

pli quanta sollicitudine vigilet. Ecce enim in seipso inastimabilia patitur, & cordis sui sollicitudinem aliis impartitur. Cujus rogo virtutis est, plus de utilitate proximorum, quam de sua afflictione cogitare? Quis hoc dignè astinet? quis dignè penset? Laborat, luget, clurit, sitit, alget, jejunat, vigilat: & tamen vigilando, de Ecclesiis omnium sollicitudine cogitat. Ecce enim est solerissimus custos templi aeterni in exemplo propositus. Imitetur qui valet. Adversa etenim pro veritate pati, bona proximis impendere, circa animarum sollicitudinem vigilare, ne quis in perfidiam, ne quis in superbia, ne quis in rapinam, vel immunditiam labatur, exquirere atque compescere; hoc est templum Dei, id est, sanctam Ecclesiam custodire. Sunt autem minoris ordinis sacerdotes, qui ad ministerium altaris excubant, qui videlicet in adjutorium majorum, peccata delinquentium subtiliter investigant, & vitam carnalium corrigunt, atque ad hoc usque perducunt, ut per lamenta penitentia quasi incendant carnem in sacrificio, quam prius vivere permisérant in peccato. Non enim hi qui sanctis Ecclesiis præsunt, per semetipso cuncta agere prævalent. Sed dum ipsi causis spiritualibus occupantur, si qua prava ac carnalia perpetrantur, haec alii discutiunt atque corrugenda committunt. Per quos dum carnalis vita corrigitur, & usque ad abstinentiam atque orationis studium à proficiensibus pervenitur, quasi in altari jam caro incenditur, ut in conspectu omnipotens Domini inde sacrificium redoleat, unde prius culpa displicebat. Sed hac in re quæstio oritur, cum superius dictum sit quod gazophylacia ad Australiem viam facies haberent, quia ratione nanc dicatur, quia gazophylacium quod respicit viam meridianam, sacerdotum est qui excubant in custodiis templi: & gazophylacium quod respicit viam Aquilonis, sacerdotum qui excubant ad ministerium altaris. Si enim utraque, facies ad Australiem viam tendebant, quo modo nunc unum ad meridianam, atque aliud ad Aquilonis viam respicere dicitur? Sed in his verbis agnoscimus, quod gazophylacium sacerdotum qui excubant in custodiis templi, ita positum fuerat, ut solam meridianam viam respiceret: gazophylacium vero sacerdotum qui excubant ad ministerium altaris, ita erat in atrio, ut & ad Australiem viam & Aquilonis faciem tenderet, quatenus & cum gazophylacio sacerdotum qui excubant in custodiis templi, meridianam viam aspiceret, & tamen sine gazophylacio eorumdem sacerdotum, gazophylacium sacerdotum qui excubant ad ministerium altaris, Aquilonis viam videret. Sed quid est hoc, fratres charissimi? quid in his verbis mysticum possumus intueri, nisi hoc quod secundum ea quæ præmissa sunt, iam spiritualis auditor intelligit: quia sacerdotes maioris ordinis, qui excubant in custodiis templi, solam meridianam viam respiciunt, quoniam solis studiis spiritualibus occupati, semper his quæ amoris Dei sunt, sollicitè intendunt: sacerdotes autem minoris ordinis, qui discutiendis peccatis delinquentium præsunt, etiam ad Aquilonis viam oculos reflectunt, ut in mentibus peccantium, quæ sunt torporis frigora videant, & haec verbis correptionis usque ad penitentia gemitus perducentes, quasi carnes in altari Domini incendant? Respiciant etiam cum magnis sacerdotibus ad meridianam viam: quia quantum ad semetipso est, fervent igne charitatis, & succensi sunt flammis amoris Dei. Sed quia peccata delinquentium crebro corrigit, etiam ad Aquilonis viam oculos reducent. De utrisque autem sacerdotum ordinibus subditur: [Ipsi sunt filii Sadoch, qui accedunt de filiis Levi ad Dominum ut ministrarent ei.] Sadoch Latinè dicitur justus. Quis autem justus est, nisi ipse cui dicitur: *Iustus es Domine, & rectum iudicium tuum?*

Pf. 113. f.

A Qui vero sunt filii justi, nisi hi de quibus scriptum est: *Quotquot autem crediderunt in eum, dedit eis potestatem filios Dei fieri*? Levi autem interpretatur assumptus. Quis autem assumptus est, nisi populus fidelis, qui per sacramenta fidei est à perfidis segregatus? Omnes ergo qui perseveranter spiritibus actibus intendunt, filii sunt justi. Et de filiis populi assumpti accedunt ad Dominum ut ministrant ei; quia de ipsis quoque fidelibus eliguntur, qui ad omnipotens Dei ministerium veniant, & caelitibus studiis pro eruditione populi intendant. Sed nobis solerter inquirendum est, qui sunt qui Domino ministrant. Neque enim omnes qui legunt, omnes qui prædicant, omnes qui propria tribuant, omnes qui per carnis abstinentiam corpus castigant, B Domino ministrant. Qui enim legendo atque prædicando, gloriari propriam querunt, largiendo que habent, & corpus in abstinentia macerando, laudes recipere ab hominibus appetunt: sibi, non Domino ministrant. Quod contraria per Psalmistam Dominus dicit: *Ambulans in via immaculata, hic mihi ministrabat*. Habet enim maculam in via, qui in bono opere quod agit, terrena gloriae sibi præmium proponit: quia qui in hoc mundo recipere mercedem querit, fœdat in conspectu Dei speciem boni operis per maculam præve intentionis. Fortasse etenim quis discipline studio intentus ferret, culpas delinquentium resecat: qui tamen ad hæc agenda si non ex omnipotens Dei amore, sed zelo proprio ducitur, sibi in his, & non Domino ministrat. Alius ne asper esse videatur, multa leniter tolerat, quæ præve perpetrantur. Ita itaque quia videri pro Domino distictus non vult, per lenitatis sua studium sibi & non Domino ministrat. Restat ergo ut sine in verbi ministerio fatigemur, seu indigenibus nostra largiamur, sine per abstinentiam carnem domesci, seu zelo moveamur, sine per patientiam aliquando leniter prava toleremus; ut nos summopere debeamus intentionem nostram discutere, quatenus omne quod facimus, non nostro, sed Domini zelo faciamus: ne in his quæ agimus, nobis potius quam Domino ministreremus. Non enim Domino, sed sibi ministraverant, de quibus Paulus dicebat: *Omnes qui sunt sua querunt, non qui sunt Christi Iesu*. Idem vero Paulus cum electis fratribus non sibi ministrare, sed Domino, & vivendo & moriendo festinabat, dicens: *Nemo nostrum sibi vivit,* C *& nemo sibi moritur. Sive enim vivimus, Domino vivimus: sive morimur, Domini sumus*. Sibi enim sancti nec vivunt, nec moriuntur. Sibi non vivunt, quia per omne quod agunt, ad lucra spiritualia anhelant: atque orando, prædicando, sanctis operibus insistendo, caelitum patriæ cives multiplicare desiderant. Sibi minimè moriuntur, quia in conspectu hominum Deum sua morte glorificant, ad quem pervenire etiam moriendo festinant. Pensamus itaque, in morte sanctorum non quantum eorum opprobrium ab infidelibus fuit, sed quanta laus Domini in corde fidelium excrevit. Qui si suam laudem quererent, profectò pati tot opprobria in morte timuerint. Sed nemo illorum sibi vivit, & nemo sibi moritur: quia suam gloriam nec vivendo, nec moriendo quæsierunt. Videamus si ipse primus pastor Ecclesie, qui sibi non vixit, sibi sit mortuus. Johannes ejus locutus requiratur, & ex verbis Domini de morte pastoris ejusdem dicit: *Hoc autem dixit si dignificans qua morte clarificatur esset Deum*. Non ergo sibi est mortuus, qui Deum clarificavit in morte. Discamus igitur, fratres mei, intentionem nostram in omne quod agimus, sollicita inquisitione discutere, & nostra non querere, si omnipotens Deo volumus ministrare. Sed quia ex fidei populo filios Sadoch ad omnipotens Dei ministerium diximus assumptos, nunquid in eodem populo non sunt multi, qui inveniantur in mandatis Dei vivere?

1042. 1. b

Pf. 100. b

Phil. 2. c

Rom. 14. b

Ioan. 21. c

perfecti? Sunt omnino; nam subditur: [Et mensus A est atrium longitudine centum cubitorum, & latitudine centum cubitorum per quadrum.] Sæpe jam per longitudinem, longanimitatem spei: per latitudinem vero, charitatis amplitudinem diximus signari. Centenarius autem numerus in quo denarius decies dicitur, quod summam perfectionis signet, plene superioris dictum est. Quid est igitur atrium spiritualis ædificij, nisi amplitudo fidelium populum? Ipsa autem longanimitas spei & latitudo charitatis vacua in cordibus fidelium non est: nam per fidem quidquid valet operatur. Unde & per Paulum dicitur: In Christo Iesu neque circumcisio aliquid valet, neque prepucium, sed fides qua per dilectionem operatur. Si ergo in vita fidelium juxta quendam modum per singulos perfecta est longanimitas spei, perfecta latitudo charitatis, perfecta certitudo fidei; perfectum studium operationis; atrium templi per quadrum centum cubitos habet. In mensura autem quadri non aliud latus majus est, atque aliud minus, sed cuncta simili quantitas latera aequali spatio tenduntur: quia & ipsa eadem virtutes, quas diximus, fidem feliciter, spem, charitatem atque operationem, quandiu in hac vita vivimus, aequaliter habent apud nosmetipso invenimus. Idcirco autem major spe & fidei charitas dicitur; quia postquam ad auctoris nostri speciem pervenit, spes quidem & fides transit, sed charitas permanet. Nam nunc & quantum credimus, tantum amamus; & quantum amamus, tantum de spe presumimus. De fide quoque & operatione Joannes Apostolus fatetur, dicens: Quis se dicit nosse Deum, & mandata ejus non custodit, mendax est. Notitia quippe Dei ad fidem pertinet, mandatorum custodia ad operationem. Cum ergo virtus, tempus, & locus operandi suppetit, tantum quis operatur, quantum Deum noverit: & tantum se nosse Deum indicat, quantum pro Deo bona operatur. Mettantur ergo fidelis populi virtutes in quadrum: quia unusquisque qui in activa vita exercitio versatur, tantum credit, quantum sperat, & amat, & operatur: tantum sperat, quantum credit, & operatur: & amat: tantum amat, quantum credit, sperat & operatur: tantum operatur, quantum credit, amat, & sperat. Quia itaque in sancta Ecclesia populis multi sunt & robusti per fidem, & longanimes per spem, & ampli per charitatem, & efficaces per operationem, atrium templi centum cubitus in quadro mensuratur. Nam ut aliquid quoque de eorum virtutibus loquamur, sæpe ex eis quodam videmus prudentes per intelligentiam, fortis in adversitate, justos in operatione, temperantes à voluptatibus, atque in omni zelo discretionis se mensura moderantes. Qui dum prudentiam, fortitudinem, justitiam, atque temperantiam, vel sicut eas enumerare quibusdam placet, prudentiam, temperantiam, fortitudinem, atque justitiam tenent, mensuram spiritualis atrii in quadro habent. Ecce enim ipsæ virtutes, quas habere bonos ac fideles diximus, ita in quadro sunt, ut una aliam non excedat. Magna quippe est prudentia; sed si minus est à voluptatibus temperans, minus in periculis fortis, minus in operationibus justa, profecto minus est prudens. Magna est temperantia; sed si minus intelligit unde se temperet, si adversa sustinere per fortitudinem minus valet, atque in timore animum dejecti, super precipitatem suam aliquando ad in justitiae opera prorumpit, minus est temperans. Magna est fortitudo; sed si minus intelligit quae bona custodiatur, quibus malis resistat; si minus à voluptatibus appetitu se temperat, sed vincitur delectatione; si justitia opera minus tenet, atque aliquando in injustitiae dominatione superatur, minus est fortis. Magna est justitia, sed si minus quam debet inter justa & iusta opera discernit, si minus cor à mundi delectatione temperat, si minus se contra adversa confortat, minus est iusta. Mensuratur ergo perfectorum fidelium vita per quadrum; & tantum ha-

Gal. 1. 14

1. Ioan. 2.

B beat spiritualis atrii latus unum, quantum latera singularia: quia unusquisque tantum prudens est, quantum temperans, fortis & justus: tantum temperans, quantum prudens, fortis & justus: tantum fortis, quantum prudens, temperans, & justus: tantum justus, quantum prudens, temperans, & fortis fuerit. Sunt tamen inter eos plurimi, qui adhuc carnaliter vivunt. Qui & si fortasse litteras ignorant, & præcepta Dei legere non valent: certè in multorum fidelium conversatione, bona quæ imitantur, vident. Ecce in Ecclesia voices sancti Evangelij atque Apostolorum sonant: ecce exempla bene viventium quotidie omnium oculis opponuntur. Nec in excusatione dicere poterunt: Non vidimus quod imitari deberemus. Unde & subditur: [Et altare ante faciem templi.] Quid est templum, nisi fidelis populus? sicut per Paulum Apostolum discipulis dicitur: Templo enim Dei sanctum 1. Cor. 3. est, quod estis vos. Et quid est altare Dei, nisi mens bene viventium? Qui peccatorum suorum memores, lacrymis maculas lavant, carnem per abstinentiam macerant, nullis se mundi hujus actionibus miscent, quæ habent, indigentibus tribuant, & habere quæ non habent, non concupiscunt. Reclite igitur horum cor, altare Dei dicitur, ubi ex mærore compunctionis ignis ardet, & caro consumitur. Et nunquid non tales, fratres charissimi, quotidie in sancto hoc fidei populo quasi in templi atrio videamus? Nunquid non eorum vitam nobis ad exemplum propositam indearer aspicimus? Altare ergo ante faciem templi est, cum multi in sancta Ecclesia conspictu sunt positi, qui a eterni iudicii memoris, semetipso quotidie Deo sacrificium in lamento compunctionis maestant. Qui ut prædictum est, corpora castigant, quatenus hoc quod per Magistrum gentium dicitur, implanteat: Ut exhibeat corpora vestra hostiam viventem, sanctam, Deo placentem. Hostia quippe occiditur, ut offeratur. Sed hostia vivens, est corpus pro Domino afflitum. Quod & hostia dicitur, & vivens quia vivit in virtutibus, & est à virtutis occidum. Hostia videlicet, quia huic mundo est à pravis actibus mortuum: vivens autem, quia cuncta quæ prevalet bona operatur. Sed quia sub altaris nomine, de compunctionis flamma ferme se intulit, necessarium puto, quæ sit diversitas ejusdem compunctionis ostendere. Alia quippe compunctione est quæ per timorem nascitur, alia quæ per amorem: quia aliud est supplicia fugere, aliud præmia desiderare. Unde etiam in tabernaculo per Legem duo altaria fieri jubentur: unum videlicet exteriorum, aliud vero interiorum: unum in atrio, aliud ante Arcam: unum quod arc cooptatum est, aliud quod auro vestitum. Atque in altari aero cremantur carnes, in altari vero aureo incenduntur aromata. Quid est hoc, fratres charissimi, quod foris concremantur carnes, intus aromata? nisi hoc quod quotidie videamus, quia duo sunt compunctionis genera: quia alij adhuc per timorem plangunt, alij vero jam se per amorem in lamentis afficiunt. Multi namque peccatorum suorum memores, dum supplicia æterna pertimescant, quotidianis se lacrymis affligunt. Plangunt mala quæ fecerunt, & incendunt via igne compunctionis, quorum adhuc suggestiones in corde patiuntur. Quid isti, nisi altare sunt æreum? in quo carnes ardant; quia adhuc ab eis carnalia opera planguntur. Alij vero à carnalibus virtutis liberati, aut longis iam afflictibus securi, amoris flammæ in compunctionis lacrymis inardecunt, & cœlestis patriæ præmia cordis oculis * aspiciunt, supernisi jam civibus interesse concupiscunt. Dura eis appetit servitus, longitudo peregrinationis suæ. Regem in decoro suo videre desiderant, & flere quotidie ex ejus amore non cessant. Quid isti, nisi altare sunt aureum? in quorum corde aromata incensa sunt; quia virtutes ardentes. Bene autem de eodem altari dicitur, quod ante velum Arcæ sit positum in Sancta sanctorum. Arca quippe Testamenti ipse nobis factus est, de quo scriptum esse novimus: In Colos. 2. 2.

Rom. 12. 14

Exod. 27. 27
30. 6al. propo-
nunt

Isai. 33.

E * al. propo-
nunt

mensuratur ergo perfectorum fidelium vita per quadrum; & tantum ha-

quo sunt omnes thesauri sapientiae absconditi. Arca intra velum est, Redemptor noster in celo. Altare vero aureum in quo thymiana incenditur, ante velum: quia sanctorum corda, quae cum magnis virtutibus in Dei amore succensa sunt, per sanctum desiderium in illo ardent, quem adhuc revelata facie videre non possunt. Inter Arcam quippe & altare velum est: quia hoc quod nos adhuc à visione Dei separat, corruptionis nostra obstaculum remotum non est. Sed quoque ante velum sumus, oportet ut quasi thymiamatis incensum flammam amoris ardeamus. Per compunctionis autem lacrymas nil ter-

** al. ipse nobis sufficiat, qui * al. mente colligamus in*

Cant. 3. c

renum, mil transitorum querere debemus. Solus nobis desiderium perficit, qui fecit omnia. Transcendamus per desiderium omnia, ut mente colligamus in unum. Non iam timore pœnarum, non memoriam vitiorum, sed amoris flammam succensi, ardeamus in lacrymis cum odore virtutum. Ista electorum oratio jam prospicet, cum in sponsa laude diceretur: Quae est ista que ascendit per desertum sicut virgula fumi ex aromatibus myrræ & thuris, & universi pulveris pigmentarij? Sancta quippe electorum Ecclesia cuim ab hoc mundo in sanctis precibus ardentis amore se erigit, per desertum quod deserit, ascendit. Qualiter verò ascendet, adjungit: Sicut virgula fumi ex aromatibus. Fumus de incenso nascitur, sicut per Psalmistam dicitur: Dirigatur oratio mea sicut incensum in conspectu tuo. Fumus excutere lacrymas solet. Itaque fumus est ex aromatibus, compunctio orationis concepta ex virtutibus amoris. Quæ tamen oratio fumi virgula dicitur: quia dum sola cælestia postulat, secreta progreditur, ut ad terræ atque temporalia pertenda minimè reflecatur. Et notandum, quod non virga, sed virgula nuncupatur: quia interdum in compunctionis ardore tantæ subtilitatis est vis amoris, ut hanc nec ipse animus possit comprehendere, qui illuminatus meruit habere. Bene autem dicitur, Myrræ & thuris. Thus enim ex lege Domino in sacrificio incenditur. Per myrrham verò corpora mortua condituntur, ne vermitibus corrumpantur. Myrræ ergo & thuris sacrificium offerunt, qui & carnem afficiunt, ne eis cor-

Aruptionis virtus dominentur: & redolentem in conspectu Domini amoris sui hostiam incendunt, leque ipsos Deo in sanctis virtutibus exhibent. Unde & illic subdit: *Et universi pulveris pigmentarij. Pulvis est pigmentarij, virtus bene operantis. Et notandum, quod virtutes bene operantium non pigmenta, sed pulveres dicuntur. Cū enim qualibet bona agimus, pigmenta offerimus. Cū verò ipsa etiam bona quæ agimus, retractamus, & ne quid in his instruit sit, iudicio retractationis attendimus, quasi ex pigmentis pulvrem facimus, ut orationem nostram Domino per discretionem & amorem subtilius incendamus. Ecce hæc, ut Deo largiente potimus, coram vobis, fratres charissimi, rimati sumus. Nemo autem me reprehendat, si post hanc locationem cessavero: quia sicut omnes cernitis, nostra tribulationes excreverunt: undique gladiis circumfusi sumus, undique imminens mortis periculum timemus. Alij detruncatis ad nos manibus redeunt, alijs captivi, alijs interempti nunciantur. Jam cogor linguam ab expositione retinere: quia tæde aumannam meam vita meæ. Jam nullus in me faci eloquij studium requirat: quia versa est in luctum ci- thara mea, & organum meum in vocem flentium. Jam cordis oculus in mysteriorum discussione non vigilat: quia dormitavit anima mea p̄x tempore. Jam minus lectio animo dulcis est: quia oblitus sum manducare panem meum à voce gemitus mei. Cui autem vivere non licet, de scriptura sacrâ sensibus loqui mystica qualiter liber? Et qui cogor quotidie amara bibere, quando possum dulcia propinare? Quid igitur restat, nisi ut inter flagella quæ ex nostris iniuriatibus patimur, cum lacrymis gratias agamus? Ipse etenim qui nos creavit, etiam pater nobis factus est per adoptionis spiritum quem dedit. Et aliquando filios pane nutrit, aliquando flagello corrigit: quia per dolores & munera ad hereditatem perpetuam erudit. Sit itaque gloria omnipotenti Domino nostro Jesu Christo, qui vivit & regnat cum Patre in unitate Spiritus sancti Deus, per omnia secula seculorum. Amen.*

Iona Diag. 1. 4. c. 67.

Tob. 10. 4. lob. 30. 4.

Pſ. 1. 8. 4. Pſ. 101. 4.

C

S. Gregorij Homiliarum XXII. in Ezechiel Finis.



SANCTI